


Tricks bi't Formateern

AutoFormat

Dat AutoFormaat hett nix mit Autos to doon, man mit „automaatsch“. Dat is fertige Konfekschoons-Kledaasch för Ehr Tabell!

- Markeert Se den Beriek in't Tabellnblatt, de formateert warnn schall.
- Wählt Se Menü **Format | AutoFormat**.
- Se kriggt en Utwahl an Designs to sehn, de Se alle dörbläddern schullt (Rullbalken rechterhand benütten!).




- Klickt Se een Design an.

- Mit de Schaltflack **Optionen** köönt Se babento bestimmen, welk Delen vun't AutoFormat Se heben wüllt un welk nich – wenn Se dat nich ganz so övernehmen wüllt.






- Klickt Se denn **OK**, denn kriggt de markeerte Beriek düt Formaat verpasst.
- Gefällt Se dat nich, köönt Se dat ok wedder **Rückgängig** maken: Menü **Bearbeiten | Rückgängig** orr de Knoop  op de Standard-Symbolleest.



Formaat överdregen

Wenn Se ees wat opwendig formateert hebt un wat anneres nu liekso formateern wüllt, bruukt Se nich möhsam de ganze Arbeit nochmal doon. Se köönt Excel anwiesen, dat Formaat to kopeern!

- Markeert Se en Zell, de dat Formaat hett, dat Se kopeern wüllt.
- Klickt Se op den Pinsel  op de Symbolleist.
- De Pinsel hängt an de Muus. Nu markeert Se mit düsse Pinselmuus den Beriek, op den Se dat Format överdregen wüllt. (Bi en enkelte Zell riekt natüürlich anklicken ut.)

Besünners plietsch: Wenn Se stückerwat mehr Zellen orr Berieken, de nich tosamenghangt, mit datsülvige Formaat „anpinseln“ wüllt, maakt Se einfach en Duppelklick op . De Pinsel blifft denn an de Muus hangen un kann mehrmalen bruukt warrn – bet dat Se em wedder utknipst, indem dat Se nochmal op  drückt.

Gitternetzlinien

Wüllt Se Rahmen överall, um jede Zell? Denn möt Se **Datei | Seite einrichten | Tabelle | Gitternetzlinien** ankrüüzen. Denn is dat ganze Zellraster en Rahmen. Liekso warrt Se düsse Instelln ok wedder los.

Lange Zellinhollen ümbreken

Faken warrt de Inholl vun Zellen so lang, de de Spalt to breed warrn wöör.

Düsse Text is bannig wat lang un maakt de Spalt to breed	neegste Spalt
--	---------------

Denn weer dat schön, wenn een in een Zell stückerwat Reegn hebben kunn. Dat geiht!

- De fraagliche Zell markeern,
- **Format | Zellen | Ausrichtung | Zeilenumbruch** ankrüüzen. **OK**.
- De Hööcht vun de Zell mutt nu noch anpasst warrn, je nadem, wat Se 2 orr 3 Reegn in de Zell hebben wüllt:

10			
	Höhe: 45,00 (60 Pixel)	Düsse Text is bannig lang un maakt de Spalt to breed	neegste Spalt
11			
12			



Nadeel: Dat gifft keen Silbentrennung in Excel! Faken warrt de Wöör an snaaksche Steden ümbreken.

Tipps: Staats **Format | Zellen** geiht gauer de Tastengriep **Strg + 1!**

Se köönt ok al bi't Intippen in de Zell mit de Tasten **Alt + Enter** manuelle Ümbröök infögen (geiht ok in Formeln!).

Klööor da – Rahmen weg!



Se sünd dat sachs wies wornn: Wenn Se en Zellberiek markeert un em en Hinnergruncklööor geevt, denn verswinnt de Gitternetzlinien. Se köönt ehr avers dör Rahmenlinien ersetten! Dor-to is de Knoop **Alle Rahmenlinien** bi de Rahmens dor.



Upps, de geele Klööor is da, avers de Linien sünd weg! Dat is slecht bi de Orientierung.

Markeert Se den Beriek un wählt Se bi de Rahmen den Knoop Alle Rahmenlinien.


So süht dat ut.



Hööcht vun Reegn

De Hööcht vun en Reeg warrt jüst so instellt as de Breed vun en Spalt: Op de Grenz ännert sik de Muuswieser, nu trecken.

De optimale Hööcht kriggt Se wedder dör Duppelklicken op de Grenz, as bi de Spaltenbreed. Bi de optimale Hööcht passt jüst de hööchste Inholl good rin.



Annere Standards

De Hööcht vun Reegn un de Breed vun Spalten lett sik ok numerisch per Menü stüern: **Format | Zeile** orr **Format | Spalte**. Besünners good: Wenn Se *overall* bredere Spalten bruukt, köönt Se hier de Standardbreite ännern, so as de Biller dat wiest. Op een Slag warrt alle Spalten breder!

